

«Ina gronda trumpada»

Ils promoturs da la scola d'informatica han pauc plascher da la decisiun dal cussegl grond

■ (anr/ac) Ils promoturs dad ina purschida d'informatica en las scolas medias èn trumpads da la decisiun dal cussegl grond. Il pli fitg da las circumstanzas che han manà a la decisiun dal cussegl grond il mardi passà.

Els èn persvads da nun avair las medemas cundiziuns da basa sco la Scola chantunala grischuna. Ed els èn s'engaschads en il ravugl da la debatta parlamentara areguard la revisiun da la lescha da las scolas medias dal chantun grischun da retschai-ver in sustegn paregliabel a la scola media chantunala a Cuir. Uschia èn ils recturs da las scolas medias privatas stads presents ier sin la tribuna dal cussegl grond per perseguir la debatta. Tranter auter il menader dal Center da formaziun Surselva, *Curdin Tuor* e *Marcus Beer* da la Scola media mercantila. Lur interess n'è betg sa drizzà sulet vers in augment da las contribuziuns chantunales per la purschida da las scolas medias privatas. Il Center da formaziun Surselva ha vuli introducir ina nova purschida da la scola media en furma dad ina formaziun d'informatica. Quella idea e dentant fruntda sin opposiziun ier en il cussegl grond e Curdin Tuor è trumpà da la decisiun dal cussegl grond da nun adattar la lescha e pussibilitar a las scolas medias privatas dad introducir ina scola d'informaziun. Il pli fitg dentant da la moda e maniera da la decisiun. Als arguments dals adversaris ch'ina formaziun d'informatica concurrenzias il sistem dual da las scolas professiunales en han ils representants dal Center da formaziun Surselva betg pudì suandar. «Giuvnas e giuvens interessads ad ina scolaziun dad informaticher n'èn betg pronts da far in empen-



Betg sulet deputadas e deputads han discutà. Medemamain ils recturs da las scolas medias privatas presents sin la tribuna dal cussegl grond (da sen.) Bruno Hensler da la Scola claustrala da Mustér, Hansruedi Müller da la Scola media da Tavau e Ueli Hartwig da l'Academia Engiadina da Samedan.

FOTO O. ITEM

dissadi». Per Marcus Beer havess la purschida d'informatica pudì augmentar l'attraktivitad dal lieu d'instrucziun e carmalar scolars d'ordvart en Surselva. Per Marcus Beer indispensabel per pudair mantegnair la purschida da la scola media a Glion.

Formar ina basa communal

Per *Ueli Hartwig* rector da la Academia

Engiadina a Samedan n'è betg la mancanza da scolars ed il svilup demografic il problem prioritari en l'Engiadina auta. Ed era betg la pussaivladad dad introducir ina scola d'informatica. «Nus avain sustegnì quella finamira ord solidaritad cun las ulteriuras scolas medias interessadas.» Il rector da la Academia Engiadina na vesa betg las diversas scolas medias privatas sco grondas concurrentas. «Nus re-

spectain ils divers interess da las scolas». Sco gronda concurrenta da las instituziuns privatas vesa Ueli Hartwig dentan la Scola chantunala che recruteschi activ scolars e scolars en l'entir chantun. Per positiv valetescha il rector da l'Academia Engiadina il fatg che regenza e parlament resguardan la necessitad da sustegnair las scolas medias privatas egual al sustegn da la Scola chantunala.

Per il rector da la Scola claustrala da Mustér, *Bruno Hensler*, na tonscha la contribuziun proponida dal chantun betg per segirar a lunga vesta las scolas medias privatas. El ha fadia cun la pretensiun dal cusseglier guvernativ *Martin Jäger* dad avair resguardà la medema studia sco la scola claustrala per definir l'atezza da las contribuziuns. «Puncto amortisaziun dal capital ester e puncto tschains da l'agen capital ha il chantun tratg tut autras conclusiuns». Da la rinfatscha che las scolas medias privatas hajan, en enconuschentscha dal svilup demografic, spetgà memai ditg avant che reagiar ha il rector da la scola claustrala vuli savair nagut. «La politica ha durmi ils davos dudesch onns ed ussa esi ina minuta avant las dudesch.» Las scolas medias privatas en la periferia dorvan sper las contribuziuns dal chantun scolars d'ordvart il chantun e la Svizra per tegnair in diember minimal d'existenza. «Durant ils onns da bleras naschientschas e blets scolars han ins forsa tralashà da tgirar quella sparta». Cuntents en ils recturs da las scolas medias ch'il chantun conceda in cert radius d'aziun da recrutar scolars che na cuntanschan betg, a curta vista, il nivel da gimnasi. «Sbassar la qualitad dad ina scola privata e porcher la pussaivladad da far matura a scolars che na reusseschan betg en auters lieus fis a lunga vista cuntraproductiv». Conceder a las scolas medias in cert spazi d'agir areguard l'admissiun da scolars extrachantunals vul era il menader da l'Uffizi per la furmaziun media-superiura *Hans Peter Märchy*. «La finfinala ston dentant tut ils scolars dumagnar l'examen d'admissiun analog als scolars indigens.»